

Kazu konfirmadu foun 4, sira hotu husi Aldeia Klauhalek, Suku Belulik Leten, Postu Administrativu Fatumean, Munisípiu Covalima

===KONFERÉNSIA IMPRENSA===

23 febreiru 2021 17:30

Dr. Rui Maria de Araújo

Kordenaór Forsa-Tarefa ba Prevensaun no Mitigasaun Surtu COVID-19

Ofisiál Sala Situasun-Sentru Integradu Jestaun Krizi (SS-CIGC)

✓ Atualiza kazu konfirmadu pozitivu Covid-19

Ohin 23 febreiru 2021, hodi Sala Situasun, Sentru Integradu Jestaun Krizi (SS-CIGC) nia naran, hakarak hatu'o ba jornalista, no públiku tomak, informasaun hanesan tuir mai:

✓ DADUS JERÁL

1 Kazu konfirmadu foun : 4

2 Kazu rekupera : 0

3 Kazu ativu : 25

4 Total ema iha kuarentena : 190

✓ APROVEITA MOS ATU SALIENTA PONTU HIRAK HANESAN TUIRMAI NE'E:

1 Kazu konfirmadu foun 4, sira hotu husi Aldeia Klauhalek, Suku Belulik Leten, Postu Administrativu Fatumean, Munisípiu Covalima.

2 Kazu hirak ne'e deteta hahú husi amostra rastreiu ka screening ne'ebé foti iha dia 20 febreiru 2021, hafoin, ohin loron ekipa vijilánsia epidemiolójika buka tuir ninia kontaktu sira to'o ohin loraik hamutuk ema na'in 29, membru familia na'in 13, viziñu na'in 16. Na'in 3 ne'ebé pozitivu tan, ida membru familia, nain rua seluk viziñu.

3 Kazu sira iha leten hatudu transmisaun lokál husi possivelmente kazu "importadu klandestinamente" husi populasun ne'ebé tama sai fronteira.

4 Ekipa vijilánsia epidemiolójika ho ekipa laboratóriu nafatin buka tuir kontaktu sira hodi halo análize ba sira-nia amostra.

5 Hare husi nível alerta no resposta ne'ebé Governo Timor-Leste adopta ba prevensaun no mitigasaun Covid-19 iha Timor-Leste, hahú ohin 23 febreiru 2021, Timor-Leste tama fali faze ne'ebé hanaran ALERTA 3 ka faze "mitigasaun." Serka Sanitária sei matein nafatin, tuir rezolusaun governu n°4 & n°5, 15 Febreiru 2021.

6 Kazu foun 4 ne'e oras ne'e dadaun Servisu Ambulánsia ba foti atu lori mai izolamentu iha Vera Cruz.

7 Aproveita mos oportunidade partilla ho públiku rezultadu jerál rastreiu ka screening ne'ebé halo iha Munisípiu Covalima, Bobonaro ho RAEOA:

a) Bobonaro total amostra 1022, 100% negativu

b) Covalima total amostra 851: Pozitivu 4, negativu 847 amostra (99%).

c) RAEOA total amostra 252, 100% negativu.

Informa moos katak, rastreiu sei nafatin hala'o to'o dia 25 febreiru iha Covalima no Bobonaro, hodi bele kobre Postu Administrativu sira ne'ebé seidak kobre, nune'e mós ho RAEOA, ne'ebé sei hala'o to'o dia 27 febreiru

✓ APELU

Maski kazu foun hirak ne'e hatudu katak iha agrupamentu ida ka "cluster" ida, iha aldeia Klauhalek, Suku Belulik Leten, Fatumean, no hatudu katak iha transmisaun lokál, iha fatin ne'ebá, SS-CIGC hakarak apela ba populasun tomak, atu kalma, labele pániku, no buka kumpri nafatin ho disiplina buat hirak hanesan tuir mai:

1 Hamri'ik do'ok husi ema seluk, minimu metru ida ho balun,

2 Kumprimenta malu lapresiza bensa-liman, lapresiza kaer-liman, lapresiza haku'ak-malu ka rei-malu

3 Uza máskara

4 Fase-liman beibeik ho sabaun, ka uza dezinfetante liman-nian

5 Lapresiza sai husi uma, wainhira la presiza tebes. Wainhira ita hotu hala'o ho disiplina

buat hirak hanesan temi iha leten, ita hotu sei kontribui atu ita-nia an-rasik, ita-nia família no viziñu sira iha ita-nia bairru ka ita-nia serbísu-fatin, nomós Timor-Leste tomak, nafatin dook husi moras Covid 19.

#MédiaPaláciodasCinzas